

Broj: 03-04-1529-9/2025
Sarajevo, 27.07.2026. godine

PARLAMENT FEDERACIJE BOSNE I HERCEGOVINE

Primljeno: 23-07-2026			
Org. jed.	Broj	Priloga	Vrijednost
05/1	-02-	598	125

Predstavnički dom

gosp. Admir Čavalić, poslanik ✓
gosp. Ivan Miličević, sekretar

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva zdravstva, broj: 05-33-6268/25 od 10.07.2026. godine, koji sadrži odgovor na poslaničko pitanje, koje je postavio poslanik Admir Čavalić.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

Broj: 05-33-6268/25
Sarajevo, 10.07.2026. godine

VLADA FEDERACIJE BOSNE I HERCEGOVINE
n/p Tajnika

BOSNA I HERCEGOVINA
FEDERACIJA BOSNE I HERCEGOVINE
V L A D A
S a r a j e v o

PRIMLJENO: 24.07.2026			
Organizaciona jedinica	Klasifikaciona oznaka	Redni broj	Broj priloga
03-09-1529-9/2025			

Predmet: Odgovor na zastupničko pitanje, dostavlja se –

Poštovana/i,

Federalno ministarstvo zdravstva zaprimilo je akt Vlade Federacije Bosne i Hercegovine broj: 03-04-1529-9/2025 od 21.10.2025. godine kojim se prosljeđuje zastupničko pitanje zastupnika u Zastupničkom domu Parlamenta Federacije Bosne i Hercegovine g-dina Čavalić Admira.

Sukladno tome, dostavljamo odgovor Federalnog ministarstva zdravstva.

S poštovanjem,

MINISTAR

Dr. Nediljko Rimac

PRIVITAK:

- Kao u tekstu

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH

**ODGOVOR
NA ZASTUPNIČKO PITANJE ČAVALIĆ ADMIRA,
ZASTUPNIKA U ZASTUPNIČKOM DOMU
PARLAMENTA FEDERACIJE BOSNE I HERCEGOVINE**

Sarajevo, juli 2026. godine

ČAVALIĆ ADMIR, zastupnik u Zastupničkom domu Parlamenta Federacije Bosne i Hercegovine, na osnovu Člana 11. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj 69/07, 2/08, 26/20 i 13/24) postavio je pitanje:

„Kada će Federalno ministarstvo zdravstva organizovati naredni termin stručnog ispita za doktore medicine, stomatologije i druge zdravstvene radnike? Koji su razlozi višemjesečnog kašnjenja u organizaciji ispita? Koliko je trenutno prijavljenih kandidata koji čekaju termin polaganja stručnog ispita? Da li Ministarstvo planira uspostaviti redovnu dinamiku polaganja (npr. jednom mjesečno ili svaka dva mjeseca), kako bi se spriječilo gomilanje prijava i smanjila frustracija među diplomiranim zdravstvenim radnicima? Da li Ministarstvo razmatra digitalizaciju procesa prijave i objave termina ispita radi veće transparentnosti i efikasnosti?“

II

Na postavljena zastupnička pitanja Federalno ministarstvo zdravstva, daje sljedeći

ODGOVOR

Ovo Ministarstvo je u potpunosti svjesno značaja pravovremenog organizovanja stručnih ispita, imajući u vidu da je polaganje stručnog ispita jedan od osnovnih uvjeta za samostalan rad zdravstvenih djelatnika i njihovo uključivanje na tržište rada. Iz tog razloga Ministarstvo kontinuirano ulaže maksimalne napore kako bi se stručni ispiti organizovali redovno i u što kraćim vremenskim intervalima.

Sve informacije koje se odnose na organizaciju stručnih ispita, uključujući termine održavanja ispita, uredno i transparentno se objavljuju na službenoj internet stranici Federalnog ministarstva zdravstva odmah po njihovom utvrđivanju. Na taj način svim kandidatima omogućava se jednak pristup informacijama, uz puno poštivanje principa transparentnosti rada organa uprave.

Međutim, potrebno je istaći da je Federalno ministarstvo zdravstva već duži vremenski period suočeno sa nedovoljnim brojem zaposlenih u odnosu na obim poslova koji su mu zakonom stavljeni u nadležnost. Potkapacitiranost Ministarstva predstavlja jedan od objektivnih razloga koji može uticati na dinamiku obrade prijave i organizaciju stručnih ispita. Pored redovnih poslova iz oblasti zdravstva, isti službenici obavljaju i brojne druge upravne i stručne poslove, što dodatno opterećuje raspoložive administrativne kapacitete.

Kašnjenja u organizaciji stručnih ispita posebno su izražena tokom perioda korištenja godišnjih odmora, kada zbog odsustva dijela zaposlenih dolazi do dodatnog smanjenja raspoloživih kapaciteta za provođenje svih aktivnosti neophodnih za organizaciju ispita. Također, organizacija stručnih ispita zavisi i od usklađivanja termina sa članovima ispitnih komisija, koji su zdravstveni djelatnici zaposleni u zdravstvenim ustanovama i fakultetima te imaju svoje redovne profesionalne obaveze.

Bez obzira na navedene okolnosti, Federalno ministarstvo zdravstva kontinuirano poduzima aktivnosti kako bi se stručni ispiti održavali redovno, uvažavajući njihov značaj za zdravstveni sistem Federacije Bosne i Hercegovine, kao i za profesionalni razvoj zdravstvenih djelatnika. Cilj Ministarstva je smanjiti vrijeme čekanja kandidata na polaganje stručnog ispita i osigurati kontinuitet održavanja ispitnih rokova.

U prilog navedenom ističemo da su već zakazani naredni termini stručnih ispita za sljedeće profile zdravstvenih radnika:

- diplomirani sanitarni inženjeri – 14.07.2026. godine;
- doktori stomatologije – 21.07.2026. godine;
- diplomirane medicinske sestre – 22.07.2026. godine;
- diplomirani fizioterapeuti – 27.07.2026. godine;
- doktori medicine – 29.07.2026. godine;
- magistri farmacije – 30.07.2026. godine.

Navedeni termini potvrđuju opredijeljenost Ministarstva da se stručni ispiti održavaju kontinuirano, u skladu sa organizacionim i kadrovskim mogućnostima.

Federalno ministarstvo zdravstva će i u narednom periodu nastaviti raditi na unapređenju procesa organizacije stručnih ispita, uključujući mogućnosti dodatne digitalizacije pojedinih administrativnih postupaka, s ciljem povećanja efikasnosti, dostupnosti informacija i transparentnosti rada. Istovremeno će se nastaviti aktivnosti usmjerene na jačanje administrativnih kapaciteta Ministarstva, što bi u budućnosti trebalo doprinijeti još redovnijem održavanju stručnih ispita i kraćem vremenu čekanja kandidata.